



Ислом Нури

Бисмиллахири Роҳманири Роҳим

Аллоҳга ҳамдлар, пайгамбаримизга, унинг оиласи ва уларга яхшилик билан эргашган кишиларга салавот ва саломлар бўлсин.

Шайтон бизнинг яшаётган давримизда Аллоҳнинг бандаларини адаштириш учун танлаган катта восита – кўшиқ ва мусикадир. Мусика ва кўшиқ Аллоҳнинг каломини эшитиш ва унинг калб ва тилларга бўлган таъсирини тўсувчи, калбларни иймондан «тозалаб», Шайтон йўлларини очиб, Аллоҳнинг йўлидан махрум қилувчи сабаблардан биридир. Мусика ва кўшиқ – намознинг зиддидир. Чунки, намоз фахш ва гуноҳларни таққиласа, кўшиқ ва мусика фахш ва гуноҳ нарсаларга амр этади. Бундай ахволга тушган одамнинг Аллоҳнинг йўлига хидоятланиши амри маҳолдир.

Мусика ва кўшиқнинг инсон ақлига ҳукмрон бўлиш табиати бўлгани учун ҳам, Шайтон ва унинг яхудий ва насроний лашкарлари ҳамда уларга эргашган кимсалар фурсатни бой бермай бутунжаҳон оммавий ахборот воситаларига ҳукмрон бўлдилар. Улар оммавий ахборот воситаларини сон-саноксиз кўшиқчи аёл ва эркеклар, бастакорлар, Аллоҳ бирон бир ҳужжат тушурмаган кўшиқ шоирлари билан тўлдирдилар ва уларни молу дунё ва маст қилувчи ичимликлар ва турли «мафтункор» нарсалар билан таъминладилар. Халқларни эса ўзларининг исломга зид бўлган мақсадлари томон йўлладилар. Ахир кизларнинг инсон «бўрилар» қучогига отган кўшиқ эмасми?! Исломий бирдамликка қарши қурашга чақириб худосизлик фикри, ўлкачилик ва миллатчилик гоёларининг ёйилишига сабаб бўлган кўшиқлар озми?!..

Мусулмон дўстлар, шунинг учун ҳам, биз сизлар учун Аллоҳнинг



Ислом Нури

китоби, суннат ва уламоларнинг сўзларига биноан мусиқа ва кўшиқнинг ҳукмини баён қилмоқчимиз.

Аллоҳ таъолодан йўлимизни тўғри қилишини, ўз йўлида юришда бизга илҳом беришини, шу рисола билан берк қалблар ва огир кулоқларни очишини сўраймиз. У – тўғри йўлга хидоятловчи ва бу ишга кодирдир.

Таърифлар

«Кўшиқ» – шеър ва наср билан овозни кўтариш ва уни севиш билан қувониш (шодланиш). У баъзида мусиқа ҳамроҳлигида бўлади. Уламолар истилоҳида кўшиқнинг бир неча исмлари бор. Улар: ўйин-қулгу, ботил, ёлгон, карсак, хуштак, зинонинг турткиси, Шайтоннинг овози, Шайтоннинг оханги, мунофиқлик манбаси, ахмокона ва фожир товуш.

«Мусиқа» (музика) – юнонча сўз бўлиб, уд, камон, дўмбира, дутор ва шу каби чолғу асбоблари воситасида чиқадиган охангдир.

Кўшиқнинг хусусиятлари:

- Харом нарсаларни чиройли қилиб кўрсатади;
- Нафсни эҳтиросли ишларга ундайди;
- Қалбни чалғитади ва унинг Аллоҳни эслаш йўлида тўсик бўлади;
- Қалбни каро қилади. Натижада, қалб Аллоҳнинг амрларига унамайди ва гуноҳларни инкор эта олмайди;
- Шайтоний ҳолатларни қучайтиради.



Ислом Нури

Кўшиқнинг турлари

Кўшиқ икки турлидир: Мубох (рухсатли) ва харом кўшиқлар.

Биринчи: Мубох кўшиқлар..

Бу турдаги кўшиқлар- таркибида шариатга зид бўлган ширк, хаёсизлик, мусулмонларни хажв ёки масхара қилиш бўлмаслиги, маст қилувчи ичимликларни мактамаслик, ажнабий ва балогат ёшига етган аёллар томонидан эркаклар олдида ёки парда орқасида айтилмаслиги, бирон бир фарзни адо қилишдан қалғитмаслиги ёки қалғитишга сабаб бўлмаслиги ва кўп айтилмаслиги ҳамда қолғу асбоблари ёки мусиқа жўрлигида айтмаслик шарти билан овозни кўтариш ва уни оҳанг билан айтишдир.

Мубох кўшиқларнинг турлари:

- Иш кўшиқлари. Бу турдаги кўшиқлар иш асносида малолни қетказиш, химматни ошириш ва иш оғирлигини енгиллатиш учун айтилади.
- Уруш пайтида айтиладиган кўшиқлар. Бу турдаги кўшиқлар жангчиларни жангга қиришга жасоратлантириш учун айтилади.
- Онанинг бешиқдаги боласини ухлатиш ёки кўлидаги боласини ўйнатиш учун айтиладиган кўшиқлар.
- Никох тўйи, сафардагиларнинг қайтиши ёки байрамларда аёлларнинг аёллар ичида айтган кўшиқлари. Бунинг шарти дуф (доира) дан бошқа мусиқа асбобларининг жўр бўлмаслиги, доира кичик ва қўнғирокчалари бўлмаслиги, уни аёлларгина қилиши ва



Ислом Нури

шариатда рухсат берилиган меъёрдан ошмаслигидир. Доирани эркаклар чалиши мумкин эмас.

Иккинчи: Харом бўлган кўшиқлар.

Бу турдаги кўшиқлар юкоридаги шартларга жавоб бермаган кўшиқлардир. Бирон бир чолгу асбоби воситасида айтилган, таркибида шариатга зид сўзлари бўлган, фарзларни адо этишдан чалгитган, эркаклари (номахрам) аёлдан эшитган, иш хаки олинган ёки суюкликка даъват этадиган оханглар билан куйланган ва бошка кўшиқлар. Бу кўшиқлар шаръан жоиз эмасдир. Чунки, бу кўшиқлар Аллохни эшладан тўсади ва инсоннинг яралиш гоёси бўлмиш ибодатдан чалгитади.

Энди кўшиқ ва мусиқа асбобларининг харом эканига Аллохнинг китоби қуръон карим ва расулуллох саллоллоху алайхи ва салламнинг суннатлари, салаф солих ва мазхаб уламоларининг сўзларидан олинган далилларни баён киламиз.

Кўшиқ айтиш ва мусиканинг харом эканига Қуръон Каримдан далиллар

Биринчи оят: «Одамларнинг баъзилари билимсизлик билан (ўзгаларни) Аллохнинг йўлидан адаштириш ва у (йўл) ни масхара килиш учун «лахвал-хадис» (кўшиқ) ни сотиб олади. Уларга хорловчи азоб бордир.» (Лукмон:6).

Абдуллох ибн Масъуд розияллоху анху ушбу оятдаги «лахвал-хадис» хакида сўралганида: «Ундан бошка илох бўлмаган зотга касамки, у-кўшиқдир» – деб уч марта такрорлади. (Ибн Касир тафсири).

Абдуллох ибн Аббос, Абдуллох ибн Умар ва Жобир ибн Абдуллох



Ислом Нури

розияллоху анхумлар ҳам айни сўзни айтдилар. Сахобанинг сўзи тафсир килишда хужжатдир. Бу тафсир илмида маълумдир. Шунингдек, тобеъинларнинг бир оятнинг тафсирига килган ижмоълари ҳам хужжатдир. Дархакикат, саҳоба ва тобеъинлар «лахвал-хадис» нинг кўшиқ эканига ижмоъ килдилар. Уларга ҳеч ким муҳолиф бўлмади.

Иккинчи оят: «Улардан кучинг еган кимсани овозинг билан кўзгат, уларнинг устига отлик ва пиёда лашкарларингни торт, топган мол-давлат ва бола-чакаларида шерик бўл ва ваъда кил. Дархакикат, Шайтон уларга ёлгон нарсаларнигина ваъда килади.» (Исро: 64).

Муфассирларнинг имоми Мужоҳид раҳимахуллох Иблиснинг овозини: «У- кўшиқ, чолгу асбоблари, ботил ва беҳуда нарсалар» – деб тафсир килди. Даххок раҳимахуллох эса: «Чолгу асбобларининг товуши» – деб тафсир килди. (Куртубий тафсири: 10/288).

Учинчи оят: «Сизлар ушбу сўз (оят) лардан хайратланиб ундан таъсирланиш ўрнига сомид холларингизда куляпсизларми!» (ан-Нажм: 59).

Абдуллох ибн Аббос розияллоху анхумо ушбу оятдаги «сомидуун» сўзини: у – кўшиқдир деб тафсир килдилар. Бу сўз яманликлар шевасида истеъмол килинади. Улар «Усмуд лана» яъни «Бизга кўшиқ айт» дейдилар.

Мужоҳид ибн Жабр раҳимахуллох ҳам : «У кўшиқдир. Яманликлар кўшиқ айтган кимса хақида «Самада фуланун» дейдилар- деб тафсир килди. (Игосатуллахфон: 1/285).



Ислом Нури

Тўртинчи оят: « У (мушрик) ларнинг Каъба олдидаги ибодатлари мукоъ ва тасдия эди». (Анфол:35). Мукоъ – хуштак чалиш, тасдия – карсак чалиш.

Кўшиқ айтиш ва мусиканинг харом эканига расулуллох саллоллоху алайхи ва салламнинг суннатларидан далиллар

– Расулуллох саллоллоху алайхи ва саллам дедилар: «Умматим ичида зино, ипак, хамр (маст килувчи ичимлик) ва маозифни халол килиб оладиган кишилар чикади» (Имом Бухорий ривояти).

Хадисдаги «маозиф» сўзи барча чолгу ва ўйин- кулгу асбобларини ўз ичига олган пурмаъно сўздир.

Расулуллох саллоллоху алайхи ва саллам дедилар: «Роббим азза ва жалла менга хамр, кимор, дўмбира ва кўшиқ айтишни харом килди» (Имом Ахмад ривояти: 1/274, сахих хадис). Вахоланки хозирги кунда кўшиқлар дўмбирасиз айтилмай колди.

Расулуллох саллоллоху алайхи ва саллам дедилар: «Умматимдан бир тоифаси хамр ичади ва уни бошкacha ном билан номлайди. Уларнинг даврасида чолгу асбоблари ва кўшиқчи аёллар бўлади. Аллох таъоло уларни Ерга юттиради ва уларни маймун ва чўчкаларга айлантиради». (Ибн Можжа ривояти, сахих хадис).

Расулуллох саллоллоху алайхи ва саллам дедилар: «Лаънат килинган икки товуш бор: Неъмат пайтида чолгу асбобларининг товуши ва мусибат пайтида фарёд этилган товуш.» (ас-Силсилатус-сахийха).

Расулуллох саллоллоху алайхи ва саллам: «Умматим ичида Ер ютиш, бошка махлукка айланиш ва тухматлар бўлади» – дедилар. Сахобалар



Ислом Нури

улар «ла илаха иллаллох» дейдиларми деб савол бердилар. Расулуллох саллоллоху алайхи ва саллам: «Ха, чолгу асбоблари пайдо бўлган, хамрлар (ичилган) ва (эркаклар томонидан) ипак (кийим) лар кийилган пайт» – деб жавоб бердилар. (Ибн Аби Шайба: 15/164).

Расулуллох саллоллоху алайхи ва саллам кўшиқчи аёлнинг (кўшиқчилик) касбидан топган маблағни (ишлатишни) такикладилар. (Багавий, Шархуссунна: 8/22).

Абдуллох ибн Умар розияллоху анхумонинг кули Нофеъ деди: «Мен ибн Умар билан бирга (бир эшак ёки туяга) минган эдим. У чолгу асбоблари чалинган ердан ўтар экан бармоқларини кулоклари ичига тикди ва йўлдан четлашди. Бироздан кейин «хой Нофеъ бирор нарса эшитяпсанми?» – деб сўради. Мен: Йўқ деб жавоб бердим. У бармоқларини кулоқларидан чикарди ва: «Мен расулуллох саллоллоху алайхи ва саллам билан бирга мингашган эдим. Бунга ўхшаш нарсани эшитишлари билан мен килган ишни килган эдилар.» – деди. (Абу Довуд ривояти, сахих хадис).

Муфассир Куртубий раҳимахуллох Абдуллох ибн Умар розияллоху анхумонинг сўзларини келтирганидан сўнг: «Меъёридан ошмаган овоз хакидаги уламоларимизнинг фикри шу бўлса, замондошларимизнинг кўшиқлари ва чолгу асбобларининг товушлари кандай бўлар экан» – деди.

Расулуллох саллоллоху алайхи ва саллам «Кўнгирок Шайтоннинг чолгу асбобидир» – дедилар. (Имом Муслим ривояти).

Расулуллох саллоллоху алайхи ва саллам: «Ит ва кўнгирок хамрох бўлган дўстларга фаришталар хамрох бўлмас» – дедилар. (Имом



Ислом Нури

Муслим ривояти).

Агар кўнгирок фаришталарнинг хамрох бўлишига тўсик бўлса, инсондаги хар бир аъзо ва хар бир тукни кимирлатган замонавий электрон мусиқа асбобларининг хукми кайндай бўлар экан?!!

Расулуллох саллаллоху алайхи ва саллам дедилар: «Одам боласига зинодан бўлган насибаси ёзилди. У уни топиши мукаррар. Кўзларнинг зиноси караш, кулоқларнинг зиноси эшитиш... (Имом Муслим ривояти).

Сахоба, тобеин ва тўрт имомдан накл килинган хабарлар

Абу Бакр розияллоху анху икки кичик кизнинг доира чалиб кўшиқ айтаётганларини кўрди ва уларни таъкиклаб: «Расулуллох саллаллоху алайхи ва саллам хузурида Шайтон куйлари чалинадими?» – деди. Расулуллох саллаллоху алайхи ва саллам унинг бу сўзларига эътироз этмадилар. (Имом Бухорий ривояти).

Усмон розияллоху анху Аллох таъолонинг ўзига берган фазли ва бу гунохни килмаганини билдириб: «Кўшиқ айтмадим ва айтишни орзу хам килмадим» – деди. (Ибн Аби Осим: 2/595).

Абдуллох ибн Масъуд розияллоху анху: «Кўшиқ калбада мунофикликни ундиради» – деди.

Анас ибн Молик розияллоху анху: «Касбларнинг энг ифлоси кўшиқчи аёлнинг касбидир» – деди. (Ибн Абид- Дунё, Заммул- малаахий).

Абдуллох ибн Умар розияллоху анхумо эхром кийган ва даврасида кўшиқ куйлаётган бир киши бўлган гурух олдидан ўтди ва : « Аллох



Ислом Нури

сизлар (нинг дуоларингиз) ни эшитмасин! Аллох сизлар (нинг дуоларингиз) ни эшитмасин! – деди. (Ибн Абид-Дунё, Заммул-малаахий).

Абдуллох ибн Аббос розияллоху анхумо деди: «Чилдирма харомдир, чолгу асбоблари харомдир, дўмбира харомдир ва торли чолгу асбоблари харомдир». (Имом Бухорий ривояти).

Умар ибн Абдулазиз раҳимахуллох кўшиқ хакида шундай деди: «Унинг бошланиши Шайтондан бўлиб, окибати Аллох азза ва жалланинг газабидир.» (Ожуррий Умарнинг таржимайи холларида айтган сўзларида ривоят килди).

Вакиъ ибн Жаррох раҳимахуллох: « Абдуллох ибн Умар каби танбурни олиб, эгасиниг бошига тушурсам» – деди. (Халлол ривояти: 126).

Фузайл ибн Иёз раҳимахуллох деди: «Кўшиқ зинонинг руқясидир». (Ибн Абид-Дунё, Заммул-Малаахи).

Имом Аъзам Абу Ханифа раҳимахуллох кўшиқ устидан харом деб хукм чиқарган имомларнинг биридир. У кўшиқ эшитишни гуноҳ деб хисоблар эди. (Талбису Иблис).

Имом Шофейй раҳимахуллох: «Кўшиқ ботил ёки малоҳига ўхшаш макрухдир. Уни кўп айтган киши гувоҳлиги қабул қилинмайдиган пасткашдир» – деди.

Имом Шофеййнинг «Макрух» деб айтган сўзи харом демақдир. Зеро Аллох таъоло ҳам: «У (Аллох) сизларга куфр, фиск ва осийликни макрух қилди» деди. Бу оятдаги «Макрух» сўзи ҳам «Харом» маъносидадир. Имом Шофейй «Мен Ироқда «Тагриб» кўшиқ деб



Ислом Нури

номланган нарсани ташлаб келдим. Уни одамларни қуръондан тўсиш учун зиндиклар ўйлаб топганлар» – деди.

Имом Молик раҳимахуллохдан кўшиқ хақида сўралганида: «У билан биз тарафларда фосиклар шугулланадилар» деб жавоб берди.

Имом Аҳмад раҳимахуллох: «Най, камиш най, сурнай, танбур, рубоб ва шунга ўхшаш чолгу асбоблари харомдир» – деди.

Шаббий раҳимахуллох: «Кўшиқчи ва унга кўшиқ айтилган шахс малъундир» -деди. (Ибн Абид-Дунё, Заммул- малаахий).

Шайхулислом Ибн Таймийя раҳимахуллох: « Шайтоний ҳолатларни кучайтирадиган сабабларнинг энг кучлиси кўшиқ ва беҳуда нарсаларни эшитишдир. Холбуки, бу мушрикларнинг иши». (Мажмуъул-фатава: 11/295).

Имом Куртубий раҳимахуллох: «Кўшиқ қуръон қарим ва суннат билан таъқиқланган» – деди.

Ибн Салоҳ раҳимахуллох: «Чолгу асбоблари жўрлигида айтилган кўшиқнинг харомлигига ижмоъ қилинган» – деди.

Ижмоъ бир асрда яшаган ва Ислом уммати ичидан етишиб чиққан етук олимларнинг диний ишлардан бирига иттифок қилишларидир. Ижмоъ фикх манбаларининг Қуръон Қарим ва Расулulloх саллаллоху алайхи ва салламнинг суннатларидан кейинги учинчи манбадир. У ҳам унда хилоф қилнмайдиган қатъий ҳужжатдир. Аллох таъоло деди: «Ким Ҳақ йўлни аниқ билганидан сўнг пайгамбарга хилоф иш қилса ва мўминларнинг йўлларида бошқа йўлга эргашиб кетса, биз уни кетганича қўйиб берамиз. Сўнгра жаханнамга дохил қиламиз.



Ислом Нури

Накадар ёмон жой у.» (Нисо: 115).

Ушбу оятда Аллох таъоло Мўъминларнинг йўлларидан бошка йўлга эргашган кимсаларнинг окибати жаханнам эканидан хабар берди. Аллох таъоло бизларни жаханнамаг тушишдан сакласин!

Мусулмонларнинг ижмоси ҳам хакикатдир. Уларнинг ижмоъларига муҳолиф бўлган одамнинг эса мазкур оятдан насибаси бор. Юкорида зикри ўтган мавзумиз хакида келтирганимиз Исломнинг биринчи уч нурафшон асрида яшаган саҳоба, тобеин ва уларнинг атбоъларининг ижмоси ҳам шариат доирасидан четда бўлган кўшиқ айтишнинг харомлигидир. Уларнинг биронтаси ҳам кўшиқ айтишга рухсат бермади. Балки, чолгу асбоблари жўрлигида айтилган кўшиқларни айтишни харом дедилар.

Азиз дўстим, агар ижмоънинг хужжат бўлиб унга муҳолиф бўлиш мумкин эмаслигини билган бўлсангиз, ўз-ўзидан куйидаги савол тугилади: «Мусиқа ва кўшиқ айтиш ихтилофли масалами ёки харомлигига ижмоъ килинган ва бахс эшиклари ёпилган масалами?».

Жавоб: бу масала саҳобалар ва уларга эзгулик билан эргашган тобеинлар, хусусан тўрт мазҳаб имомлари томонидан харом эканига ижмоъ килинган масаладир. Агар бу масала ихтилофли бўлса эди, улар бу кадар жиддий бўлмас ва ихтилофли масалаларда муҳолиф бўлган кимсалар хакида «фосик», «фожира», «малъун» ва «Шайтон» деб айтмас эдилар.

Хотима

Мусулмон дўстим, мусиқа ва кўшиқнинг Ислом динидаги хукми сизга



Ислом Нури

маълум бўлган ва сиз мусиқа ва кўшиқнинг харом эканини, улар айтилиб, чалинаётган ерлардан мусулмон узок бўлиши ҳамда бу борада сустлик килмаслик кераклигини билдингиз. Энди бу «бало» нинг ичида бўлсангиз уни тарк этишингиз, ичида бўлмасангиз Аллохга сизни саклагани учун ҳамд айтишингиз ва Аллохдан сизни хакикат узра собиткадам килишини сўрашингиз керак. Сиз мусулмон биродарларингизга насихат килинг, Аллохнинг бу масаладаги хукмларини баён этинг. Бу масала хакидаги далиллар очик-ойдиндир, сизга факат етказиш колди холос. Агар тилингиз билан етказишга кодир бўлмасангиз бу гунохга тушган дўстларингизга совга килинг.

Биз эса : «Эй Аллох ва расулини севган банда, «Хакикатдан кейин эса факатгина йўлдан озиш бор холос» деб айтамиз.

Аллохим етказдимми?! Аллохим ўзинг гувоҳ бўл!

Аллох таъоло пайгамбаримизга, унинг оиласи ва барча сахобаларга салавот ва саломлар йўлласин.